

# Tus Kab Mob Mpox (Hlww Dej Cuam)

(Mpox Virus)



Yeej tsis tshua muaj tus kab mob Mpox (Hlww Dej Cuam) tiam sis muaj mob taus loj heev yog kis los ntawm tus kab Mpox (hlww dej cuam). Tus kab mob Mpox (Hlww Dej Cuam) yog los ntawm tib cov kab mob li tus kab mob smallpox (qhua pias me). Cov kev mob tshwm sim ntawm tus kab mob Mpox (Hlww Dej Cuam) yuav zoo sib xws li cov kev mob tshwm sim ntawm tus kab mob smallpox (qhua pias me), tiam sis yuav tsis heev npaum li ntawd. Nws puav leej tsis sib kis heev npaum li tus kab mob smallpox (qhua pias me), thiab tsis tshua muaj kev tuag taus hlo li. Tus kab mob Mpox (Hlww Dej Cuam) yuav kis tau ntawm cov tib neeg, cov tsiaj, thiab cov khoom uas paug muaj tus kab mob. Tus kab mob Mpox (Hlww Dej Cuam) yuav ua muaj pob sawv thiab cov tawv nqaij voos mob yam tsis paub tias vim dab tsi.



## Dab tsi yog qhov tsim ua rau muaj tus kab mob?

- ▶ Mpox (Hlww Dej Cuam) yog tsim muaj los ntawm tus kab mob Mpox (Hlww Dej Cuam). Nws yuav tsis sib kis yooj yim ntawm ib tug neeg rau ib tug. Tib neeg yuav tsum yog nyob ze, muaj kev sib chww nrog tus neeg muaj mob thiaj li kis tau tus kab mob.
- ▶ Ntau cov neeg yuav kis muaj tus kab mob Mpox (hlww dej cuam):
  - ▶ Kev sib chww nrog cov tawv nqaij voos mob los sis kiav txhab ntawm tus neeg muaj mob.
  - ▶ Kev sib koom siv tej khoom xws li pam pua chaw los sis khaub ncaws nrog tus neeg muaj mob.
  - ▶ Kev nyob ze ntev heev nrog tus neeg muaj mob cov kua pa cev.
- ▶ Cov tsiaj puav leej kis tau tus kab mob Mpox (Hlww Dej Cuam) rau tib neeg los ntawm cov kev tom, khawb, kev tu npaj cov nqaij, los sis kev siv cov khoom ntawm tus tsiaj muaj mob.



## Cov kev cim qhia thiab mob tshwm sim yog dab tsi?

- ▶ Feem ntau tus kab mob Mpox (Hlww Dej Cuam) yuav ua muaj pob sawv pob tshiab, yam tsis paub tias vim dab tsi uas yuav tawv, kheej, muaj kua yig los sis kua paug voos mob rau daim tawv nqaij los sis sab hauv lub qhov ncauj. Lwm cov kev mob tshwm sim muaj xws li:
  - ▶ Kub ib ce ua npaws
  - ▶ Cov qog nqaij o
  - ▶ Mob nqaij leeg
  - ▶ Mob taub hau
- ▶ Cov pob sawv vim tus kab mob Mpox (hlww dej cuam) yuav pib tsim muaj li ntawm ib rau peb hnuv tom qab kub ib ce ua npaws. Qee cov tib neeg yuav xwb sawv pob los sis ua hlww, mam li muaj lwm cov kev mob tshwm sim, los sis tsuas sawv pob nkaus xwb.



## Dab tsi yog cov hauv kev xaiv rau kev kho mob?

- ▶ Feem neeg coob uas muaj tus kab mob Mpox (hlww dej cuam) tsis tag yuav tau muaj kev kho mob thiab yuav rov zoo ua ntej ob txog plaub lub lim tiam. Tiam sis, yeej siv tau cov tshuaj tiv thaiv kab mob smallpox (qhua pias me) los pab.
- ▶ Cov tib neeg uas poo raug ib tug neeg muaj tus kab mob Mpox (hlww dej cuam) yuav tsim nyog tau tshuaj txhaj tiv thaiv kab mob kom tiv thaiv tau txoj kev pib muaj tus kab mob los sis txo cov kev muaj mob tshwm sim kom tsis txhob huam loj heev.



## Yuav tiv thaiv tau nws li cas?

- ▶ Yog tias koj tus khub muaj tus kab mob Mpox (hlww dej cuam), xyeej txoj kev sib deev los sis sib puag sib hnia kom txog thaum twg cov hlww zoo tag nrho thiab hlav daim tawv nqaij tshiab.
- ▶ Yog tias koj mus poo rau tus kab mob Mpox (hlww dej cuam), soj xyuas cov kev mob tshwm sim mus 21 hnuv tom qab hnuv uas koj mus poo raug.
- ▶ Tsis txhob tuav los sis kov tej pam pua chaw, cov phuam so cev, los sis cov khaub ncaws ntawm tus neeg muaj tus kab mob Mpox (hlww dej cuam).
- ▶ Yog tias cov kev mob pib tshwm sim, hu cuag tus kws kho mob tam sis thiab cais tus kheej tawm ntawm lwm cov neeg.

BUREAU OF COMMUNICABLE DISEASES

<https://www.dhs.wisconsin.gov/dph/bcd.htm> | [DHSDPHBCD@dhs.wi.gov](mailto:DHSDPHBCD@dhs.wi.gov)

Wisconsin Department of Health Services | Division of Public Health

